

K29
15
:378(1)

中國方志叢書·華中地方·第三七八號

據

清光緒二十年等纂修
清光緒二十年等纂修

影印

四川省

梁山縣志

(一)

成文出版社有限公司印行

續修梁山縣志序

江淹有言修史之難無出於志此論史志耳今之府縣志卽周官邦國四方之志掌於小史外史者也目錄家屬之地理蓋史部之支流遽以馬班八書十志目之夸矣顧方志雖不得比於國史而實爲國史要刪通志之所取裁修志不明史法則體旣襍糅文亦闡茸天下惡用此志爲哉宋以來志郡縣者無慮數十家求其雅潔有法不過數家范致能吳郡志與瞻而不蕪雜號稱善本縣志稱絕作者莫如韓五泉之朝邑當時康對山爲

梁山縣志

卷首

山

作序極推重之而王新城獨服膺康志武功以爲第一
似武功又出朝邑右余昔由選拔貢於京需次多暇嘗
手武功一編繹其綱目義例心竊韙之歎新城爲知言
比辛卯冬補官梁山閱其志則嘉慶丁卯知縣符君子
田所撰也符志以前無可攷蓋書闕有聞矣同治間艾
君鼎臣雖一修之而因陋就簡疏漏仍多厥後張君鷺
舫擬延李君我愚孝廉增修卒以卸篆不果然則梁之
志斷自符君始符序稱建議時因葺學宮寢其事於丁
卯春署開同任學宮落成而志始告竣余甫下車卽思

續符君之緒亦以舉辨學田未逞他顧逾歲學田成咸以嘉惠士林頌余余蹙然曰學田者學校中之一事非有關一方文獻也學田不舉守土者責固難辭卽舉矣而志曠不修坐令一方中文殘獻闕上無以備采風下無以資攷鏡咎又將誰諉會被檄通飭府廳州縣各解志書纂修通志乃屬其薦紳而告之曰縣志舊多疏漏以申大府余滋咎戾庸獨不貽諸君羞乎則僉曰唯命余於是倡捐醵貲奮然秉筆師康氏意舉舊志繁者刪之缺者補之凌雜者鱗魚而排次之廣七篇義例分十

門爲綱領每門又各分條目其藝文康用吳郡志例散附各條今以蒐采較夥別立一門得書十卷四閱月而告成嗚呼以康武功之文簡事覈訓辭爾雅而洪穉存章實齋輩尙與朝邑志同譏則史志難方志亦談何容易乎哉余才學識不逮對山萬一勉綴成書烏知義法體裁果與古人不相悖耶抑重予後人以嗤點也雖然志距艾君之修垂三十年距符君且八十七年於茲矣符志成於葺學宮後今志成於興學田後遙遙百年中其事若有前定焉者余雖不敢自信余又何敢多讓若

夫參以史法訂而正之去蕪雜以歸雅潔使武功志不
得專美於前是有待後之爲康對山者時

光緒二十年歲次甲午梁山縣知縣東湖朱言詩撰

各條今以宛宋較影別立一門得
告成嗚呼以康武功之文簡事厥
章實為章與明邑志同誌異史志
易乎自余才學識不逮對山廣
廣我果與古人不相悖耶抑重
出辭文才至嶽戎甲子梁山總
將軍美氣南長官於於宋梁東
夫參以史而院而邑志之書每

梁山縣志原序

志之作也所從來久矣元和郡縣志元豐郡國志及歷代一統志大都合寰宇言之至一郡一縣之志則視乎有司之搜輯與否未能所在皆有也梁山本漢胸臆縣地後魏分置爲縣宋改爲軍元升爲州明省州入縣山海經稱高梁之山其上多堊其下多砥礪其木多桃枝鉤端則物產也常璩華陽國志稱墊江以西土地平敞精敏輕疾則俗尙也然而特爲一書未之前聞又况十數年來中更兵燹梁山界夔渝間賊蹤所出沒官吏暨

梁山縣志

卷首

川百七

鄉閭子弟多講肄武事今卽削平旣久而能於創殘煨燼之餘博訪通人考其分野畛域徵其文獻或有所未遑歟符君子田爲余故人子治於梁有年矣訟平賦均赫赫有政聲公庭多暇都人士與縉紳先生之徒羣彥響臻凡夫故老之所傳耆舊之所語稗官家乘之所載靡不摭摭而採擇之積日累勞彙爲此志冠

聖謨於篇首又起星野迄雜識總計十有八卷疑者略信者詳綱舉目張井然大備書成郵寄於余而請爲序余竊觀天下之能事有前人所絕不敢爲而決然爲之者有

他人所必不暇爲而寬然爲之者惟其才博智瞻心定
力殫始不憚其難終不辭其瘁故其爲事足以軼倫而
超羣其爲書足以信今而行後符君此志非其尤大彰
明較著者哉且余憶曩時從事干戈鋒鏑中道出於梁
攬其山川風土怒焉神傷此志一出而知其地之休養
生息其官與民之康樂和親宛若目覩用以昭

國家昇平之象邕邊徼熙皞之風慶幸何如耶於其請也
故爲深嘉而亟敘之

嘉慶十三年十二月立春後三日川藩使者姚令儀識

增修梁山縣志原序

國有史所以重金鑑之資也邑有志所以備輜軒之採也
然創於前弗因於後奚以昭明備垂久遠乎蓋星野氣
侯山川之歷久不變者因之固貴咸宜也而人物風土
政教之歷久遞變者因之未可過泥也乙丑春予捧檄
蒞南浦閱邑志爲符君子田創修於嘉慶丁卯板朽蛀
生計九十餘片擬補刻而增修之竟以賊氛甫靖政務
殷繁不果越二載次丁卯屈指創修時已六十年矣使
不乘此以增修忽而殘缺忽而廢墜責將焉歸乃甫經

倡議聞者難之予不禁慨然曰天下事敗於因循成於奮迅苟因循自諉易者亦難若奮迅以圖難者亦易公暇因與予友譜笙宋君藻鮮李君蒐羅載籍撫拾羣言思夫一邑所恃以保固者城池也而礮臺營房有必著所藉以觀禮者祀典也而祀位樂章有必詳所賴以維持者文教也而賓興學田有必錄所託以撫字者循良也而政績治譜有必彰以及科名之士耆耄之英忠義之夫節孝之婦貞烈之女類足以扶氣運正人心厚風俗他如養濟院之矜貧育嬰堂之慈幼棲流所之恤罪

罔不於未備者補之未有者增之夫補其未備固因也
非創也增其未有亦因也非創也且符君創於前予因
於後安知不更有因子於後者以傳無窮哉方今

聖天子文治光昭聲教四訖梁邑赤牛兆瑞白兔呈祥精儲
乎石馬蟠龍秀毓乎金城銅印代生賢哲著作如林復
獲斯志以昭明備垂久遠一旦車來問俗庶生斯土者
不至數典或忘而撫斯土者亦不歎文獻無徵也遂濡
筆而爲之序

同治六年丁卯孟夏知梁山縣事艾鉞撰

同治六年壬午秋孟夏映采山神事文滄海
華而為之自設易者亦難若奮必以難者亦易
不至與與如也而無其意亦難文滄海
藝興志以謂民前進人喜元旦車來問俗熱生棋止
千百馬龍龍香施食金銀財帛分主賀送善升殿林
聖天子文告大澤澤將四益樂國亦平此誕白與呈輝
效與安時不復育因重外必善內動無窮焉衣余思
共喻也微其未育和因也共喻也且終極陰外前平因
固不知未前善而衣未育善學之夫解其未前固國

梁山縣志原序

能吏與循吏有異乎曰有異能吏主擊斷工訶刺火烈
難犯使民知畏而已習禮讓之風興廉恥之節擾游馴
擾百姓日遷善而不自知此必久於其職而又不肯以
俗吏自安以漸幾乎古良有司之治求之目前蓋百不
得一二非才之難正歛其才之難也今於符君子田之
輯梁山邑志而竊有幸焉梁山古胸臆地夔渝宣漢往
來必經又山高而林邃往者奸民嘯聚視爲萑苻數屢
經芟薙其俗未革符君至立什伍之法有不靖者里邨

必以告隣邑奸悍闖入者械繫之今旣下民不爲盜寇
不入境矣君曰未也民未知恥難與持久乃禮耆老訪
俊彥讀法習射擯儇薄者不得齒於是農安於田士勉
於校向所謂椎埋不逞之徒無所容足邑大治君擊劍
走馬倜儻負奇氣余初識君以能吏許之及廉其治行
乃彬彬有儒者風今秋以所輯邑志見寄蓋喜君能於
簿書鞅掌間與邑士大夫振數十年之墜緒搜微抉隱
勒爲完書而於風教名節之大一編之中尤三致意鳴
乎文章者政教之緒餘也自操觚之士厭棄刀筆吏吏